



10. september 2013

Inatsisartut suleriaasianni § 37 naapertorlugu matumuuna Naalackersuisunut apeqquteqaateqarpunga:

1.

Naalackersuisut nassuiaaqquneqarput uranimut akuersaanngilluinnarnerup unitsinnissaanut tunngaviusumik aalajangernermi inatsisitigut kingunissat suussanersut ilanngullugit aamma aatsitassanut inatsimmi allanguutissaaratarsinnaasut ilannguteqquneqarput.

2.

Naalackersuisut inatsisit tunngavigalugit uranisiornissamut qinnuteqaat itigartissinnaavaat akuersaanngilluinnarnerup unitseerernerani? Tamanna pisinnaava naak Naalackersuisut nunat tamalaat akornanni isumaqatigiissutit naapertorlugit piumasarisaasut naammassineqarsimanngikkaluartut, misissuinissamut periusissat piareersimanngikkaluartut aatsitassanullu inatsit sulit nalimmassarneqarsimanngikkaluartoq?

3.

Naalackersuisut qanoq isummerniarpat aatsitassarsiornissamut apeqquteqaatip aappaani akissut naaggaarneruppat?

4.

Naalackersuisut uppernarsarsinnaavaat aatsitassanut naalackersuisup nalunaaruteqarnera tassaasoq "sivikinnerpaamik ukiuni qulini" nunarput piareersaqaassasoq uranitaqartunik aatsitassarsiornernut tigussaasunik qinnuteqaatinik akuersinnginnermini?

(Inatsisartuni ilaasortaq, Naaja H. Nathanielsen, Inuit Ataqatigiit)

Tunngavilersuut

Naalackersuisut akuersaanngilluinnarnermik unitsitsiniarnerminnut atatillugu Inatsisartunut aalajangiiffigisassamik siunnersuummik saqqummiussaqaqarput¹. Naalackersuisut allapput tunngaviusumik aalajangernerup kingunerinngikkaa

¹ Oqaluuserisassaq 106 på Inatsisartut Ukiakkut Ataatsimiinnissaanni

aatsitassarsiorniarluni suliniutinut ataasiakkaanut akuersaarnerusoq. Illua'tungaanilli tunngaviusumik aalajangerneq nunani tamalaani isumaqatigiissutaasunut naammassinnaaneq, tunisassianik annissuinermi misissuineranut assigisaanullu qulaakeerinninniarnertut atorniaarat.

Isumaqarpungali tunngaviusumik aalajangertoqareerpat utersaartoqarsinnaajunnaassasoq aatsitassarsiornermullu inatsit aalajangiisuulerluni, apeqqutaatinnagu Naalackersuisup nunani tamalaani isumaqatigiissutaasut malinneqarsinnaanissaannik qulakkeerutaasut naammassisimangikkaluarpagilluunniit. Taamaalilluni suliniutit uranitalimmik aatsitassariorfusut allatuulli suliarineqartalissapput, soorlu Naalackersuisut allannerattuut piareersarnermut ukiut qulit atorneqartussaanerarneqartut qinnuteqaatinik kinguartitsissutaasinnaassanatik. Aatsitassarsiornermut suliniut inatsit naapertorlugu ingerlanneqarpat qinnuteqaat akuersissutillu aatsitassarsiortut qinnuteqaatimi suliarineqarnissaat piumasarisinnaavaat.

Apeqqutit tamarmik ullut qulit suliffiusut qaangitsinnangit akineqarnissaat piumasareriissavara.